



Visoki predstavnik Inzko se sastao sa reisu-l-ulemom Kavazovićem

Tokom današnjeg susreta sa reisu-l-ulemom Huseinom Kavazovićem u Sarajevu, visoki predstavnik Valentin Inzko još jednom je izrazio najljepše čestitke muslimanima u Bosni i Hercegovini koji su nedavno proslavili ramazanski Bajram. Inzko je izrazio nadu da su svi koji slave ovaj veliki islamski praznik bili u mogućnosti da ga provedu sa najmilijima - prijateljima ili porodicama.

Visoki predstavnik je također podsjetio i na značaj vjerskih zajednica i uloge koju imaju u svakodnevnom životu mnogih ljudi. Visoki predstavnik Inzko i reisu-l-ulema Kavazović složili su se da vjerski lideri mogu doprinijeti stvaranju atmosfere tolerancije u Bosni i Hercegovini, koja je među zemljama sa najvišim stepenom vjerske raznolikosti u Evropi.